

- Izvještaj o radu Uprave policije MUP-a Kantona Sarajevo za period januar - septembar 2013.g. -

KRIMINALITET

STATISTIČKI PRIKAZ KRIMINALITETA

Kriminalitet na području Kantona Sarajevo u periodu januar - septembar 2013. godine u odnosu na period januar-septembar 2012. godine, posmatrano kroz statističke pokazatelje, karakteriše smanjenje broja, registrovanih djela za 1,4%, prijavljenih lica za 6,7%, povratnika u činjenju krivičnih djela za 9,4%, maloljetnih izvršilaca za 12,3%, i lica lišenih slobode za 9,6%.

U periodu januar – septembar 2013. godine, registrovano je 4.887 krivičnih djela, što je za 67 djela ili 1,4% manje u odnosu na uporedni period.

U 1.478 slučajeva (30,2% od ukupnog broja), krivična djela su izvršena od strane poznatih izvršilaca, a 3.409 (ili 69,8%) od strane nepoznatih, od kojih su za 1.594 naknadno identifikovani izvršiooci (ili 46,8% od ukupnog broja prijavljenih djela po nepoznatom).

Iz naprijed navedenog proizilazi da su pripadnici Uprave policije u izvještajnom periodu, za ukupno 3.072 krivična djela identifikovali osumnjičene izvršioce ili 62,9%, što je za 0,5% manje u odnosu na uporedni period.

Za izvršenje navedenih djela prijavljeno je 2.370 lica, od kojih je 1.546 povratnika (ili 65,2% prijavljenih), 135 maloljetnika, a 984 lica su lišena slobode (ili 41,5%).

U odnosu na uporedni period, smanjen je broj prijavljenih lica za 171 (ili 6,7%), povratnika za 161 (ili 9,4%), maloljetnika za 19 (ili 12,3%) i lica lišenih slobode za 105 (ili 9,6%).

KRIVIČNA DJELA	januar-septem. 2013.	jan.-sept. 2012.	uporedba br.KD		“rasvjetljenost”	
			+ / -	%	br. KD	%
Protiv ustavnog poretka Federacije	1	0	1	---	1	100%
Protiv života i tijela	126	164	-38	-23,2%	120	95,2%
Protiv slobode i prava čovjeka i građanina	184	171	13	7,6%	179	97,3%
Protiv spolne slobode i morala	7	9	-2	-22,2%	5	71,4%
Protiv braka, porodice i mladeži	182	180	2	1,1%	182	100%
Protiv zdravlja ljudi	208	211	-3	-1,4%	208	100%
Protiv privrede, poslovanja i sigurnosti pla.	1	4	-3	-75%	1	100%
Iz oblasti radnih odnosa	0	1	-1	---	0	---
Protiv imovine	3640	3688	-48	-1,3%	1878	51,6%
Protiv okoliša	4	14	-10	-71,4%	4	100%
Protiv opće sigurnosti ljudi i imovine	102	98	4	4,1%	71	69,6%
Protiv sigurnosti javnog prometa	66	46	20	43,5%	63	95,5%
Protiv pravosuđa	16	16	0	ISTO	18	112,5% ¹
Protiv javnog reda i pravnog prometa	254	263	-9	-3,4%	246	96,9%
Protiv podmić. i kd protiv sl. i druge odgo..	7	13	-6	-46,2%	7	100%
Protiv privrede i jedin. tržišta te...(KZBiH)	2	0	2	---	2	100%
Dogovor, pripremanje, udruživanje i	4	0	4	---	4	100%

organizirani kriminal (KZ BiH)						
ZOSNINPNSP-a (Sl.novine KS br.7/07)	1	0	1	---	1	100%
ZONDINOM-a (Sl.novine KS br.38/07)	82	76	6	7,9%	82	100%
UKUPNO	4887	4954	-67	-1,4%	3072	62,9%

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

Tokom izvještajnog perioda prijavljeno je 126 krivičnih djela protiv života i tijela (38 manje u odnosu na period januar – septembar 2012. godine) od kojih je za 120 ili 95,2% poznat izvršilac (povećanje za 2,1%).

Zbog postojanja osnova sumnje da su ih počinili podneseni su službeni izvještaji protiv 149 lica (36 manje), a 63 su lišena slobode (15 manje).

Evidentirana su slijedeća krivična djela: ubistvo – jedno djelo (dva manje), ubistvo u pokušaju – deset djela (dva manje), teška tjelesna ozljeda – 68 (13 manje), lahka tjelesna ozljeda – 36 (25 manje), učestvovanja u tuči – devet djela (dva više), ubistvo u pokušaju u pomaganju i teška tjelesna ozljeda u pomaganju – po jedno djelo.

Sva krivična djela **ubistvo u pokušaju** (deset djela) su rasvijetljena a izvršena su upotrebom vatrenog oružja – pet puta, upotrebom noža – četiri i jedno upotrebom fizičke snage – gušenjem.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 184 djela (13 više) i to: ugrožavanje sigurnosti – 178 djela, narušavanje nepovredivosti doma i neovlašćeno optičko snimanje – po dva, protupravno lišenje slobode i povreda tajnosti pisma ili druge pošiljke – po jedno djelo.

Zbog izvršenja navedenih djela prijavljeno je 166 lica od kojih je 105 povratnika u činjenju krivičnih djela (ili 63,3%), a 29 je lišeno slobode. Sva djela ugrožavanja sigurnosti počinjena su upućivanjem verbalnih prijetnji, pisanih - prijetećih poruka i sl.

KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala prijavljeno je sedam djela (dva manje) i to: bludne radnje – tri, navođenje na prostituciju, silovanje, silovanje u pokušaju i prinuda na spolni odnošaj u pokušaju – po jedno djelo. Za izvršenje djela iz ove oblasti prijavljeno je šest lica, koja su uz službene izvještaje predana nadležnom tužilaštvu.

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovana su 182 krivična djela (dva više) i to: - nasilje u porodici 181 i oduzimanje djeteta ili maloljetnika – jedno djelo. Službeni izvještaji podneseni su protiv 183 lica od kojih je 101 lišeno slobode.

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi prijavljeno je 208 krivičnih djela (tri manje) i to:

- neovlašćena proizvodnja i stavljanje u promet opojnih droga – 38 djela (četiri više) i
- posjedovanje i omogućavanje uživanja opojnih droga – 170 djela (sedam manje).

Zbog postojanja osnova sumnje da su ih počinili podneseni su službeni izvještaji protiv 212 lica (11 manje), od kojih je 135 povratnika ili 63,7%, a 98 je lišeno slobode (21 manje).

Po nalogu tužilaca Kantonalnog tužilaštva Kantona Sarajevo podneseno je 105 zahtjeva za vještačenje nepoznate materije koja asocira na drogu (51 manje). Takođe s ciljem pronalazjenja narkotičkih sredstava izvršen je pregled 121 lica (osam više), 51 stambenog objekta (četiri manje) i većeg broja automobila po usmenim naredbama Opštinskog suda u Sarajevu.

VRSTA OPOJNE DROGE	JANUAR-SEPTEMBAR 2013. GODINE	JANUAR-SEPTEMBAR 2012. GODINE
Marihuana (u gramima)	3.568,35	41.267,27
Marihuana (paketići)	173	283
Marihuana (JOINT–cigarete, kom.)	11	18
Heroin (paketići)	205	44
Heroin (u gramima)	30	2.389,00
Cannabis sativa (stabljike)	15	85
Cannabis sativa (sjeme)	50	3
Kokain (u gramima)	---	10,00
Kokain (paketići)	18	6
Amfetamin (u gramima)	121	427,00
Amfetamin (paketići)	160	89
NN tablete (kom.)	---	72
Pribor sa ostacima droge	70	58

KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ prijavljeno je jedno djelo (tri manje) i to prijevarama u privrednom poslovanju za čije izvršenje je prijavljeno jedno lice.

Izvršenjem ovog krivičnog djela i krivičnih djela koja su u vezi sa „privrednim kriminalom“, a svrstana su u druge Glave KZFBiH-a i KZ BiH-a i to: krivotvorenje isprave – tri, zloupotreba položaja ili ovlaštenja i krivotvorenje novca – po dva, prijevarama, pronevjera u službi, neizvršenje sudske odluke, zloupotreba povjerenja – po jedno djelo, a koja su prijavljena u prvih devet mjeseci 2013. godine, nastupila je materijalna šteta u ukupnom iznosu od 408.166,88 KM i 210 €.

“SUBJEKTI”	januar - septembar 2013. godine	januar - septembar 2012. godine
PRIVREDNI SUBJEKTI	8.166,88 KM	247.178,69 KM
POSLOVNE BANKE	400.000,00	---
FIZIČKA LICA	210 €	158.257,20 KM
UKUPNO	408.166,88 KM i 210 €	405.435,89

KRIVIČNA DJELA PROTIV IMOVINE

U ovoj oblasti registrovano je 3.640 djela što je za 48 ili 1,3% manje. Broj krivičnih djela iz ove oblasti čini 74,5% ukupnog kriminaliteta (u periodu januar - septembar 2012. godine ovaj parametar je iznosio 74,4%).

Najbrojnija djela iz ove oblasti su: teške krađe – 2.221 (157 manje), krađe – 610 (23 više), razbojništva – 401 (59 više), oštećenje tuđe stvari – 147 (tri više), prijevera – 64 (deset više), teška krađa u pokušaju – 61 (tri više), utaja – 48 (sedam više), prikriivanje – 22 (24 manje), razbojnička krađa – devet (četiri više), itd.

Za ukupno 1.878 djela ili 51,6% identifikovani su osumnjičeni izvršioci, što je u odnosu na isti period prethodne godine, smanjenje za 0,7%.

Objekti vršenja krivičnih djela protiv imovine najčešće su bila motorna vozila (otuđenja pmv i “provale” u ista) - 961 puta (devet manje), stambeni objekti – 748 (11 više), poslovni prostori i prodavnice – 372 (63 manje), itd., pri čemu je otuđivan novac, motorna vozila, tehnička roba, zlatni nakit, auto-dijelovi, cigarete, itd.

Tokom izvještajnog perioda na području Kantona Sarajevo izvršena su 564 krivična djela teških krađa motornih vozila, od čega je 175 ili 31% vraćeno (tabela 8.)

Od strane policije MUP Kantona Sarajevo vraćeno je 78 vozila, MUP RS-a – 21, drugih MUP-ova – 14, uz novčanu nadoknadu – devet, a 53 vozila vlasnici su sami pronašli.

U odnosu na uporedni period broj otuđenih vozila, smanjen je za 16 ili 2,8%.

Zbog postojanja osnova sumnje da su učestvovali u otuđenju motornih vozila nadležnom tužilaštvu podneseni su službeni izvještaji protiv 68 lica (deset više) od čega je 39 povratnika u činjenju krivičnih djela ili 57,4%.

Na području Kantona Sarajevo u periodu januar – septembar ove godine registrovano je 401 krivično djelo razbojništva (59 ili 17,3% više), a zbog postojanja osnova sumnje da su ih počinili nadležnom tužilaštvu podneseni su izvještaji protiv 139 lica (34 manje) od kojih je 108 povratnika u činjenju krivičnih djela ili 78%, a 82 su lišena slobode.

Razbojništva su najčešće činjena u prodavnicama – 194 puta (59 više), zatim na ulici – 111 (osam više), sportskim kladionicama – 44 (šest manje), itd.

Navedena djela izvršena su prijetnjom upotrebe vatrenog oružja – 189 puta (71 više), prijetnjom i upotrebom noža ili drugog oštrog predmeta – 111 (26 više) i upotrebom fizičke snage – 101 put (38 manje).

Za ukupno 194 ova djela ili 48,4% identifikovani su osumnjičeni izvršioci što je za 4,8% manje u odnosu na isti period 2012. godine.

Nasilno oduzimanje mobitela i nakita direktno se odražava i na broj teških krađa na naročito opasan ili naročito drzak način. Evidentirano je 171 djelo ove vrste (119 ili 41% manje), od čega je 119 ili 70% „rasvjetljeno“ (5,2% više).

Za izvršenje ovih oblika teških krađa, prijavljena su 82 lica (22 manje), od kojih je 65 povratnika (ili 79,3%), a 36 je lišeno slobode.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirana su 102 djela (četiri više) i to: izazivanje opće opasnosti – 83 djela, nesavjesno čuvanje pasa i drugih opasnih životinja – osam, uništenje ili oštećenje važnih privrednih objekata ili javnih naprava – pet, teška djela protiv opće sigurnosti ljudi i imovine – četiri djela, izazivanje opće opasnosti u pokušaju i izazivanje opće opasnosti u pomaganju – po jedno djelo.

- Krivična djela izazivanja opće opasnosti izvršena su na otvorenom prostoru – 71 put, u stambenom objektu i u ugostiteljskom objektu – po pet, u garaži i prodavnici - po jednom. U 13 slučajeva aktivirana je nepoznata eksplozivna naprava, 43 puta je pucano iz vatrenog oružja u 26 slučajeva je otvorenim plamenom izazvan požar i u jednom slučaju je bačen i aktiviran suzavac. Posljedica izvršenja navedenih djela su tjelesne ozljede 15 lica i nastala materijalna šteta.

Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 76 lica, od čega je 50 povratnika (ili 65,8%), a 37 je lišeno slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovana su 254 krivična djela (devet manje) i to: nasilničko ponašanje - 104 djela, nedozvoljeno držanje oružja ili eksplozivnih materija – 59, krivotvorenje isprave – 37, napad na službenu osobu u vršenju poslova sigurnosti – 24, itd.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 279 lica, od kojih su 173 povratnika (ili 62%), a 133 su lišena slobode.

KRIVIČNA DJELA POČINJENA OD STRANE MALOLJETNIH IZVRŠILACA

U periodu januar- septembar 2013. godine **prijavljeno je 135 maloljetnika** zbog postojanja osnova sumnje da su **izvršili 198 krivičnih djela**. U poređenju sa istim periodom 2012. godine, **broj krivičnih djela** za čije izvršenje su prijavljena maloljetna lica **smanjen je za 45 ili 18,5%**, kao i **broj prijavljenih maloljetnih učinilaca** ovih djela (za **19 ili 12,3%**).

Pregled broja maloljetnih izvršilaca krivičnih djela za period januar-septembar 2013. godine, prema starosnoj strukturi

Starosna dob maloljetnika	do 14 god.	od 14 do 16 god.	od 16 do 18 god.	ukupno
Broj maloljetnih izvršilaca	8	64	63	135

Među maloljetnim učiniocima krivičnih djela, najveći broj je u dobi do 16 godina (72), dok je povratnika u izvršenju krivičnih djela 46 (ili 34,1%).

Posmatrano po organizacionim jedinicama MUP-a Kantona Sarajevo i broju službenih izvještaja koji su podneseni nadležnom tužilaštvu protiv maloljetnih učinilaca krivičnih

djela u proteklih devet mjeseci 2013. godine, može se konstatovati da su maloljetnici najveći broj krivičnih djela izvršili na području **općina Novo Sarajevo** (69 ili 34,8%), **Novi Grad** (33 ili 16,7%) i **Centar** (32 ili 16,2%).

Najbrojnija su krivična djela protiv imovine - 138 (ili 69,7%), pri čemu **prevladavaju teške krađe** (56 ili 40,6%), razbojništva (26 ili 18,8%) i teške krađe na naročito drzak i opasan način (21 ili 15,2%). U odnosu na isti period prošle godine, u proteklih devet mjeseci znatno je **smanjen** broj krivičnih djela **krađa** (za 25 ili 64,1%), zatim teških krađa (za 23 ili 29,1%), te teških krađa na naročito drzak i opasan način (za šest ili 22,2%). Međutim, u proteklom periodu došlo je do **povećanja** broja krivičnih djela **razbojništva** (z sedam ili 36,8%).

Kada su u pitanju krivična djela protiv života i tijela, maloljetnici su prijavljeni za izvršenje 17 krivičnih djela iz ove oblasti i to: ubistvo u pokušaju-jedno djelo, nanošenje teške tjelesne povrede-11, nanošenje lahke tjelesne povrede-dva, učestvovanje u tuči-dva i pomaganje u izvršenju krivičnog djela teška tjelesna povreda- jedno djelo.

Naziv krivičnog djela	jan.-sept. 2013.	jan.-sept. 2012.	Uporedba
Ubistvo u pokušaju	1	1	0
Teška tjelesna povreda	11	8	+3 ili 37,5%
Teška tjelesna povreda-pomaganje	1	0	+1
Lahka tjelesna povreda	2	7	-5 ili -71,4%
Učestvovanje u tuči	2	0	+2
Ugrožavanje sigurnosti	5	5	0
Nasilje u porodici	3	0	+3
Neovlaš. proizvod. i stav. u promet opojnih droga	1	1	0
Posjedov. i omoguć. uživanja opoj. droga	10	13	-3 ili -23,1%
Krađa	14	39	-25 ili -64,1%
Krađa-pokušaj	0	1	-1 ili -100%
Krađa-pomaganje	0	1	-1 ili -100%
Teška krađa	56	79	-23 ili -29,1%
Teška krađa-pokušaj	6	8	-2 ili -25%
Teška krađa na naroč. opasan ili naročito drzak način	21	27	-6 ili -22,2%
T. krađa na nar. opas. ili nar. drzak način- pokušaj	0	1	-1 ili -100%
Razbojništvo	26	19	+7 ili 36,8%
Razbojništvo- pokušaj	4	1	+3 ili 300%
Razbojništvo-pomaganje	0	1	-1 ili -100%
Utaja	3	1	+2 ili 200%
Oštećenje tuđe stvari	7	6	+1 ili 16,7%
Prikrivanje	0	2	-2 ili -100%
Iznuda	1	0	+1
Šumska krađa	0	1	-1 ili 100%
Izazivanje opće opasnosti	3	3	0
Nesavjesno čuvanje pasa i dr. opasnih životinja	1	0	+1
Lažno prijavljivanje	0	2	-2 ili -100%
Teška krivična djela protiv sigurnosti javnog prometa	2	0	+2
Pomoć učitelju poslije učinjenog krivičnog djela	1	0	+1
Sprečavanje sl. osobe u vršenju službene radnje	1	0	+1
Napad na sl. osobu u vršenju poslova sigurnosti	2	2	0
Nasilničko ponašanje	8	12	-4 ili -33,3%

Nedozvoljeno držanje oružja i eksp. materija	3	1	+2 ili 200%
Povreda mira pokojnika	1	0	+1
Krivotvorenje novca (čl 205 KZ BiH)	1	0	+1
ZONDINOM (čl. 52)	1	1	0
ukupno	198	243	-45 ili -18,5%

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U periodu januar-septembar 2013. godine na području Kantona Sarajevo registrovan je 21 slučaj aktiviranja minsko-eksplozivnih sredstava (devet ili 75% više u odnosu na isti period 2012. godine). Pažnju zaslužuje podatak da su četiri eksplozije izazvane nestručnim rukovanjem nepoznatim eksplozivnim napravama, kojom prilikom su smrtno stradala dva lica (jedno dijete), a šest ih je povrijeđeno: jedno dijete je zadobilo teške tjelesne povrede, jedno je lakše povrijeđeno, dva su zadobila neutvrđen stepen povreda, a lakše su povrijeđena još dva lica.

U ostalih 17 slučajeva eksplozije su izazvane namjerno, a u četiri slučaja izvršioци su identifikovani i protiv njih su preduzete zakonske mjere (u jednom slučaju izvršioци su dva maloljetna lica). Osim materijalne štete na stambenim i drugim objektima, te putničkim vozilima, u ovim eksplozijama nije bilo povrijeđenih lica.

Preduzimajući aktivnosti na otkrivanju izvršilaca krivičnog djela izazivanja opće opasnosti aktiviranjem minsko-eksplozivnih sredstava u ranijem periodu, policijski službenici su u toku 2013. godine identifikovali izvršioce dvije eksplozije koje su se dogodile u oktobru i decembru mjesecu 2012. godine.

U proteklom periodu registrovana su dva slučaja bacanja flaše sa zapaljivom tečnošću: na putničko vozilo na području općine Stari Grad, te na balkon stana na području općine Novi Grad (u ovom slučaju izvršioци su identifikovani). Takođe, registrovan je slučaj bacanja ručne bombe u dvorište kuće na području općine Stari Grad koja se nije aktivirala, a u bašti ugostiteljskog objekta na području općine Novi Grad pronađena je ručna bomba sa poluizvučenim osiguračem.

U dva navrata nepoznati izvršioци su bacili suzavac ispred jednog ugostiteljskog objekta na području općine Stari Grad, usljed čega je povrijeđeno pet lica.

Evidentirano je sedam anonimnih dojava o postavljenoj eksplozivnoj napravi (dvije manje u odnosu na uporedni period). Nakon KDZ pregleda utvrđeno je da su dojavae bile lažne. U četiri slučaja izvršioци su identifikovani i protiv njih su preduzete zakonske mjere. Takođe, u mjesecu januaru 2013. godine identifikovana su i dva lica koja su u novembru prošle godine u tri navrata upućivala lažne dojavae o postavljenoj eksplozivnoj napravi u Srednjoj medicinskoj školi.

POŽARI

Tokom perioda januar – septembar 2013. godine, na području Kantona Sarajevo registrovan je 91 požar (15 više) u kojem je jedno lice poginulo i jedno lakše povrijeđeno.

Prema statističkim pokazateljima, 51 požar je izazvan namjerno, 10 zbog tehničkih nedostataka, pet je prouzrokovano nehatom, dok uzroci 25 požara spada u kategoriju ostalih.

Zbog izazivanja požara nadležnom tužilaštvu je podneseno 26 službenih izvještaja iz člana 323 KZ FBiH (izazivanje opće opasnosti).

SAMOUBISTVA..

Tokom prvih devet mjeseci 2013. godine na području Kantona Sarajevo registrovana su 33 samoubistva (šest više), koja su počinjena: vješanjem – 16 puta, skakanjem sa visine i upotrebom vatrenog oružja – po šest, samospaljivanjem i trovanjem – po dva i presijecanjem vena – jedno.

Prema spolu, izvršioци su 25 muškaraca i osam žena, od kojih su tri lica u dobi do 20 do 30 godina, devet lica u dobi od 30 do 50 godina i 21 lica u dobi preko 50 godina.

JAVNI RED I MIR

Policijski službenici su u periodu januar-septembar 2013. godine, zbog raznih oblika narušavanja javnog reda i mira uručili/ podnijeli ukupno **4.283** prekršajna **naloga i zahtjeva** za pokretanje prekršajnog postupka (naloga – 2.864, zahtjeva – 1.419), što u odnosu na isti period 2012. godine predstavlja **povećanje za 403 ili 10,4%**. Prekršajne sankcije preduzete su **protiv 4.709 lica (413 ili 9,6% više)**.

Od ukupnog broja prekršajnih sankcija, 3.902 ili 92,1% odnosi se na prekršaje utvrđene Zakonom o prekršajima protiv javnog reda i mira, a 381 ili 7,9% na prekršaje utvrđene Odlukom općinskih vijeća o javnom redu i miru.

Na povratnike u izvršenju prekršaja odnosi se 525 ili 12,3% prekršajnih sankcija, 95 ili 2,2% na maloljetna lica i 11 ili 0,3% na strane državljanke.

S obzirom na starosnu strukturu lica protiv kojih su u proteklih devet mjeseci ove godine preduzete prekršajne sankcije (ukupno 4.709), najveći broj je onih starosne dobi preko 36 godina (2.319), zatim starosti između 26 i 35 godina (1.309) i između 19 i 25 godina (957), dok je maloljetnih učinilaca prekršaja bilo 124 i oni su javni red i mir narušavali uglavnom tučama.

Prilikom narušavanja javnog reda i mira u periodu januar-septembar 2013. godine, u slučajevima kada se radilo o prekršajima, nije bilo teže povrijeđenih lica (u uporednom periodu jedno), dok je lakše povrijeđeno 287 lica (12 ili 4% manje).

Potrebno je istaći da se najveći broj prekršajnih sankcija koje su imali službenici policijskih stanica Centar i Stari Grad odnosi na prekršaje učinjene prosjačenjem (1.565 ili 64,6%), što je rezultat pojačanih aktivnosti na suzbijanju ovog oblika narušavanja javnog reda i mira, koje je najizraženije na području ove dvije općine, posebno u vrijeme turističke sezone, vjerskih i drugih manifestacija.

Prema strukturi prekršaja iz oblasti javnog reda i mira, najbrojnija su **prosjačenja - 1.762** (ili 41,1% od ukupnog broja), zatim **tuče - 651** (ili 15,2%), **naročito drsko**

ponašanje - 531 (ili 12,4%) i odbijanje naređenja i omalovažavanje policijskih službenika - 349 (ili 8,1). Znatno manje prekršaja učinjeno je svadom, vikom i nepristojnim ponašanjem-118; paljenjem petardi-15, te neovlaštenom upotrebom oružja - sedam. Zbog svih ostalih prekršaja preduzeto je 469 prekršajnih sankcija.

STRUKTURA PREKRŠAJA	januar- septembar 2013.	januar- septembar 2012.	uporedba
UKUPNO NALOGA I ZAHTJEVA	4.283	3.880	+403 ili 10,4%
UKUPNO LICA	4.709	4.296	+413 ili 9,6%
Prekršaji iz Zakona o prekršajima protiv JRiM:	3.902	3438	+464 ili 13,5
<i>-Tuče</i>	651	670	-19 ili -2,8%
<i>-Naročito drsko ponašanje</i>	531	580	-49 ili -8,4%
<i>-Odbijanje naređenja i omalov. služb. policije</i>	349	348	+1 ili 0,3%
<i>-Svađa, vika, nepristojno ponašanje</i>	118	106	+12 ili 11,3%
<i>-Neovlaštena upotreba oružja</i>	7	2	+5 ili 250%
<i>-Paljenje petardi</i>	15	21	-6 ili -28,6%
<i>-Prosjačenje</i>	1.762	1.237	+525 ili 42,4%
<i>-Ostali prekršaji iz Zakona o prekrš. protiv JRiM</i>	469	474	-5 ili -1,1%
Prekršaji prema Odluci OV o JRiM	381	442	-61 ili -13,8%

U odnosu na isti period 2012. godine, smanjen je broj prekršajnih sankcija zbog prekršaja učinjenih tučama, naročito drskim ponašanjem, paljenjem petardi i zbog ostalih prekršaja. Takođe, smanjen je i broj prekršaja koji su utvrđeni Odlukom općinskih vijeća o javnom redu i miru. U svim ostalim slučajevima došlo do povećanja, što se posebno odnosi na prekršaje učinjene neovlaštenom upotrebom oružja, te prosjačenjem.

Prema mjestu izvršenja, najveći broj prekršaja učinjen je na **ulici i na drugim otvorenim prostorima- 3.626 (ili 84,7%)**, a znatno manje u ugostiteljskim objektima- 241 (ili 5,6%), na sportskim terenima- 37, u trgovinskim i zanatskim radnjama- 37, u školama i školskim dvorištima- 30, u vozilima javnog saobraćaja- 18 i na ostalim mjestima- 294 prekršaja.

U odnosu na isti period 2012. godine, u proteklih devet mjeseci ove godine povećan je broj prekršajnih sankcija zbog prekršaja kojima se narušava javni red i mir na ulici i drugim otvorenim prostorima, na sportskim terenima, te u trgovinskim radnjama, dok je smanjen broj prekršaja izvršenih u ugostiteljskim objektima, u vozilima javnog saobraćaja, u školama, te na ostalim mjestima.

Pored prekršajnih sankcija zbog prekršaja izvršenih u školama i školskim dvorištima, policijski službenici su u periodu januar-septembar 2013. godine zbog krivičnih djela izvršenih na ovom lokalitetu, nadležnom tužilaštvu podnijeli 25 službenih izvještaja (tri manje u odnosu na isti period 2012. godine) i to zbog sljedećih djela: ugrožavanje sigurnosti-šest, nasilničko ponašanje-pet, razbojništvo-tri, teška krađa na naročito drzak i opasan način-tri, teška tjelesna povreda-dva, lahka tjelesna povreda-dva, krađa-dva, teška krađa i pomoć učinitelju poslije učinjenog krivičnog djela-po jedno djelo.

Policijski službenici su u proteklih devet mjeseci ove godine učestvovali u osiguranju 1.702 javna skupa koji su održani na području Kantona Sarajevo (170 ili 9,1% manje u odnosu na isti period 2012. godine), a u 374 slučaja izvršeno je KDZ osiguranje ovih skupova (sedam ili 1,9% više). Preduzimane su planske i organizovane aktivnosti kako bi svi skupovi, kao što su sportske, kulturne, vjerske i druge manifestacije, protestna okupljanja građana, kao i skupovi kojima se obilježavaju događaji iz prošlosti, protekli bezbjedno.

Policijski službenici MUP-a Kantona Sarajevo su tokom mjeseca juna 2013. godine profesionalno i u skladu sa Zakonom, poštujući sva prava građana, vršili osiguranje protestnih okupljanja građana povodom nedonošenja Zakona o JMBG, koji su se održavali ispred Institucija BiH uz prisustvo od 20-tak do nekoliko hiljada građana.

U saradnji sa drugim policijskim agencijama, policijski službenici MUP-a KS vršili su osiguranje protestnog okupljanje građana koje je započelo 05.06.2013.godine i proticalo je mirno i bez incidenata. Dana 07.06.2013.godine u 03.45 sati otpočela je evakuacija uposlenika i stranih državljana iz zgrade Institucija BiH, s obzirom da su svi ulazi i izlazi bili blokirani, i ista je završena u 04.15 sati. Za to vrijeme veliki dio protestanata se samoinicijativno razišao, nakon čega je ostalo oko 50-tak osoba koje su počele narušavati javni red i mir vikom, galamom i omalovažavanjem ovlaštenih službenih lica. Nakon toga policijski službenici su izdali naredbu da prestanu sa takvim ponašanjem i da se mirno razidu. Oko 30 protestanata je postupilo po naredbi i počeli su se udaljavati dok je oko 20-tak osoba, većinom u alkoholisanom stanju, počelo negodovati prema onim koji su napuštali plato, kao i prema policijskim službenicima.

SAOBRAĆAJ

Tokom perioda januar – septembar 2013. godine, u odnosu na isti period prošle godine, povećan je ukupan broj saobraćajnih nezgoda, nezgoda sa materijalnom štetom i nastradalim licima, kao i broj nastradalih lica.

Registровано je 7.757 saobraćajnih nezgoda (365 li 4,9 % više), 7.085 sa materijalnom štetom (299 ili 4,4 % više) i 672 sa nastradalim licima (66 ili 10,9 % više).

U saobraćajnim nezgodama na području Kantona Sarajevo 879 lica je nastradalo (75 ili 9,3 više). Dvadeset lica je poginulo (sedam ili 53,8 %više), dok je 859 lica povrijeđeno (68 ili 8,6 % više), 120 teže teže i 739 lakše.

Među poginulim licima, 12 je pješaka, šest vozača i dva putnika.

Od ukupno 859 povrijeđenih lica, 370 je vozača (22 više), putnika – 284 (59 više) i pješaka - 205 (13 manje). Kada je u pitanju stepen povreda, 36 vozača je teže, a 334 lakše povrijeđeno. Dvadeset osam putnika je teže, a 256 lakše povrijeđeno, dok je 56 pješaka teže i 149 lakše povrijeđeno.

U naselju su registrovane 7.444 saobraćajne nezgode (12 sa poginulim, 603 sa povrijeđenim licima i 6.829 sa materijalnom štetom), van naselja 313 nezgoda (osam sa poginulim, 49 sa povrijeđenim licima i 256 sa materijalnom štetom).

Registrovana je 1.331 saobraćajna nezgoda na raskrscima u naselju, 53 na pješačkom prelazu, 19 na raskrscima van naselja, 19 na nadvožnjaku, pet na mostu, pet na prelazu preko željezničke pruge, tri na podvožnjaku, jedna u tunelu i 6.321 saobraćajna nezgoda čije se karakteristike puta ubrajaju u kategoriju ostalih.

	2013	2012	+,-%
UKUPNO SAOBRAĆAJNIH NEZGODA	7.757	7.392	+ 365 ili 4,9 %
Saobraćajne nezgode sa nastradalim licima	672	606	+ 66 ili 10,9 %
Saobraćajne nezgode sa materijalnom štetom	7.085	6.786	+ 299 ili 4,4 %
POGINULO LICA	20	13	+ 7 ili 53,8 %
- vozači	6	3	+ 3 ili 100 %
- putnici	2	2	isto
- pješaci	12	8	+ 4 ili 50 %
POVRIJEĐENO LICA	859	791	+ 68 ili 8,6 %
- vozači	370	348	+ 22 ili 6,3 %
- putnici	284	225	+ 59 ili 26,2 %
- pješaci	205	218	- 13 ili 6 %

UZROCI SAOBRAĆAJNIH NEZGODA

Osim ostalih uzroka (6.317), koji su za posljedicu imali pet poginulih i 452 povrijeđena lica, najčešći uzroci saobraćajnih nezgoda bili su: neprilagođena brzina- 1.264 (12 lica poginulo i 341 lice povrijeđeno) i uticaj alkohola –172 (tri lica poginula i 61 lice povrijeđeno). Klizav put izazvao je dvije saobraćajne nezgode u kojima su četiri lica povrijeđena, umor – jednu nezgodu sa jednim povrijeđenim licem i odron na putu - jednu nezgodu sa materijalnom štetom.

U sklopu redovnih aktivnosti, službenici policije su kontrolisali ukupno 213. 389 vozila (27.307 više).

Zbog tehničke neispravnosti, iz saobraćaja je isključena 310 vozila (123 manje), 3.890 vozača je zatečeno da upravljaju vozilom pod dejstvom alkohola (68 više), 9872 bez korištenja sigurnosnog pojasa (1.304 više), 2.618 bez položenog vozačkog ispita (251 više), a 2.125 vozača je učestvovalo u saobraćaju bez važeće registracije (pet više).

Zbog kršenja propisa iz oblasti sigurnosti saobraćaja uručeno je 135.700 prekršajnih naloga vozačima (26.463 više), podneseno 489 zahtjeva za pokretanje prekršajnog postupka (219 više) i registrovano 66 krivičnih djela zbog ugrožavanja sigurnosti javnog prometa (20 više).

MIRUJUĆI SAOBRAĆAJ I KONTROLA PJEŠAKA

Tokom perioda januar-septembar 2013. godine, pripadnici Uprave policije su uručili 48.476 prekršajnih naloga vozačima koji nisu poštivali saobraćajne propise prilikom parkiranja (20.632 više u odnosu na isti period prošle godine), upozorili 5.053 vozača (1.122 više), a specijalnim vozilom „pauk“ su premjestili 2.290 vozila (264 više). Takođe, upozoreno je 1.169 pješaka (351 više) i uručeno 1.067 prekršajnih naloga (519 više).

ZAKONITOST U RADU

Tokom perioda januar-septembar 2013. godine, registrovano je 25 napada na službenu osobu u vršenju poslova sigurnosti (dva više).

Službenici policije su tokom izvještajnog perioda 42 puta opravdano upotrijebili silu (tri više).

U periodu januar-septembar 2013. godine, registrovano je 285 predstavki, među kojima je za 76 predstavki (10 manje) data saglasnost za sprovođenje unutrašnjih istraga, za 206 je donesen zaključak da su neosnovane, u jednom slučaju stranka je odustala od žalbe, u u jednom slučaju akt je proslijeđen Upravi administracije i podrške, dok je u jednom slučaju akt dostavljen Sektoru kriminalističke policije.

Postupano je po 12 predstavki iz ranijeg perioda tako da je razmatrano ukupno 88 predstavki (12 manje).

Okončano je 67 predstavki, među kojima u 28 slučajeva nije bilo dovoljno dokaza, u 17 slučajeva predstavke su neosnovane, u 15 slučajeva osnovane, dok je u sedam slučajeva stranka odustala od predstavke.

Uz saglasnost Ureda za pritužbe javnosti, postupano je po 139 raznih akata.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U periodu januar – septembar 2013. godine evidentirana su 82 krivičnih djela koja su regulisana Zakonom o nabavljanju, držanju i nošenju oružja i municije (šest više), počinjenih od strane 82 izvršioca, od kojih je 35 lišeno slobode.

Od strane Policijskih uprava fizičkim licima izdata su 533 odobrenja za nabavku vatrenog oružja (osam manje), 772 oružna lista (16 više) i izvršeno 226 zamjena oružnih listova za fizička lica (77 manje).

U sklopu aktivnosti na oduzimanju nelegalno posjedovanog oružja i drugih predmeta oduzeto je: 71 pištolj, 29 puški, dva teška oružja, 16 ručnih bombi, 113 noževa ili drugih oštih predmeta, 6898 petardi, devet boksera, 1.699 kom. municije, itd.

Takođe, u ovom periodu organizacione jedinice Ministarstva, u saradnji sa štabovima Civilne zaštite, EUFOR-om, EUPM-om i Oružanim snagama BiH, aktivno su učestvovali u realizaciji akcije "ŽETVA 2013" s ciljem prikupljanja minsko-eksplozivnih sredstava, oružja, municije i druge vojne opreme.

U navedenoj akciji između ostalog prikupljeno je slijedeće naoružanje:

- ručne bombe – 91 komada.,
- mine, granate i sl – 26 kom.,
- pištolji – pet kom.,
- puška – četiri kom.,
- ručni bacač – dva kom.,

- municija raznog kalibra – 1.572 kom., itd.

RAD POLICIJE U ZAJEDNICI

U periodu januar-septembar 2013. godine u okviru Rada policije u zajednici obavljane su brojne aktivnosti sa ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.

Između niza aktivnosti koje su provođene u cilju što uspješnije realizacije Rada policije u zajednici i unapređenja saradnje sa društvenom zajednicom u proteklom periodu izdvajamo sljedeće:

- Kontinuirano su provođene i uspješno realizovane aktivnosti na projektu „Sa policijom u kino“ čiji je realizator bila Uprava policije MUP-a Kantona Sarajevo, u saradnji sa predstavnicima filmskog i izdavačkog preduzeća „Tropic“ iz Zenice, kina „Cinema city“, te NATO-štaba Sarajevo. U okviru projekta, učenici osnovnih škola su bili u prilici pogledati dva nova i veoma popularna crtana filma. Pored toga, policijski službenici su učenicima pokazali i prigodne, edukativne video-klipove iz oblasti sigurnosti saobraćaja, međuvršnjačkog nasilja i zloupotrebe opojnih droga. U okviru projekta vršena je edukacija učenika na teme „Put do škole može biti opasan“ i „Prevenција upotrebe pirotehničkih sredstava“.
- Aktivnosti oko organizovanja posjete predstavnika PS Bežigrad Ljubljana MUP-a Republike Slovenije Policijskoj upravi Novi Grad.
- Aktivnosti na provođenju manifestacije jubilarne „10. Kid's festival- Sarajevo 2013“.
- Aktivnosti oko provođenja projekta „Coming out! Zagovaranje i zaštita prava LGBT osoba.
- Pripreme oko organizacije treninga o krivičnim djelima počinjenim iz mržnje na osnovu seksualne orijentacije i rodnog identiteta koji je održan 23 i 24. 09. 2013. godine u Konjicu.
- Aktivnosti oko saradnje sa partnerskim organizacijama CCPA-OFFS, u vezi projekta SSP (Sport + škola + policija).
- Pripreme i učestvovanje na seminaru Open Fun Football Schools, koji je održan u Tesliću od 24 do 30. 08. 2013. godine.
- Aktivnosti oko učestvovanja na Javnoj raspravi o Nacrtu akcijskog plana za prevenciju maloljetničkog prijestupništva i rad sa maloljetnicima u sukobu sa zakonom 2013. – 2015. godina.
- Organizacija i učestvovanje na svečanosti obilježavanja 9. godišnjice projekta „Superbus“.
- Prijedlozi, ocjene i sugestije oko novopostavljenog posebno izdvojenog web sadržaja „Predstavljamo RPZ policajce“.

Sarajevo, 17.10.2013.godine
Odsjek za odnose s javnošću
MUP-a Kantona Sarajevo